

Podjela BiH

26/01/2009 18:23 by halva

[Tihić, Dodik i Ćeović dogovorili četiri teritorijalne jedinice u državi!](#) Trojica lidera su ocijenili da su učinili značajan korak naprijed i da je čisto se njih trije Prudski dogovor razriješen...

Lideri SNSD-a, SDA i HDZ-a BiH Milorad Dodik, Sulejman Tihić i Dragan Ćeović dogovorili su danas na sastanku u Banjoj Luci zajedničku izjavu o Ustavu BiH, amandaman na Ustav BiH za rješavanje pravnog statusa Brčko Distrikta BiH te način rješavanja državne imovine. Nakon sastanka rečeno je da su dogovorena osnovna načela funkcioniranja BiH, a konkretne prijedloge ustavnih rješenja predsjednici triju stranaka međusobno će razmijeniti do narednog sastanka u Mostaru između 20. i 25. februara, čiji će biti predsjednik HDZ-a Dragan Ćeović.

U zajedničkoj izjavi se kaže da je BiH decentralizirana država, organizirana na tri razine vlasti. Srednja razina vlasti je sastavljena od četiri teritorijalne jedinice, gdje je svaka utemeljena na diobi vlasti na zakonodavnu, izvršnu i sudsku.

Na novom sastanku lideri stranaka će razmotriti i pitanje dvojnog državljanstva za sve građane BiH.

•

U zajedničkoj izjavi o Ustavu BiH trojica lidera također navode da je BiH suverena država u međunarodno priznatim granicama te da je demokratska, socijalna i sekularna država utemeljena na vladavini prava i načela dobre vlasti na zakonodavnu, izvršnu i sudsku.

•

Amandaman na Ustav BiH za rješavanje pravnog statusa Brčko Distrikta BiH glasi: "Brčko Distrikt BiH postoji pod suverenitetom BiH u oblastima koje spadaju pod nadležnosti institucija BiH, čija je teritorija u zajedničkoj svojini (kondominij) entiteta te da je jedinica lokalne samouprave s vlastitim institucijama i propisima s ovlaštenjima i statusom iz Konačne odluke Arbitražnog tribunala za spor o međuentitetskoj liniji razgraničenja u oblasti Brčkoga".

•

U amandmanu se dalje kaže da se odnos između Brčko Distrikta BiH i institucija entiteta može urediti zakonom te nastavlja da je "Ustavni sud BiH nadležan da odluči o bilo kom sporu u vezi sa zahtijevom utvrđenog statusa i ovlaštenja Brčko Distrikta koji se može javiti između jednog ili svih entiteta i Brčko Distrikta BiH".

•

Svaki takav spor, kaže se dalje, jedino može pokrenuti većina poslanika Skupštine Brčko Distrikta BiH koja uključuje najmanje jednu trećinu izabranih poslanika iz reda svakog od konstitutivnih naroda, kaže se na kraju dogovorenog amandmana.

•

Kada je u pitanju imovina koja je predmet Zakona o državnoj imovini BiH, lideri SNSD-a, SDA i HDZ-a su zaključili da je to imovina BiH koja će se shodno sporazumu koji je sastavni dio zakona podijeliti između institucija BiH, entiteta, kantona, Brčko Distrikta BiH i općina.

•

Imovina će se knjižiti na osnovu ovog zakona i sporazuma, a lideri stranaka traže da Komisija za izradu zakona i Vijeće ministara BiH u narednih sedam dana predlože Parlamentarnoj skupštini BiH prijedlog zakona bez odgađanja.

•

Također, na sastanku su trojica stranačkih lidera zaključila i da se radi rješavanja problema izbjeglih i raseljenih osoba zatraži od Vijeća ministara BiH da iznađe mogućnost dobijanja povoljnog kredita od 500 miliona KM, koji će se implementirati proporcionalno nacionalnoj strukturi stanovništva putem državne Komisije za izbjeglice BiH. Trojica lidera pozvali druge stranke da podrže dogovorena rješenja Lideri SNSD-a, SDA i HDZ-a BiH Milorad Dodik, Sulejman Tihić i Dragan Ćeović pozvali su danas i druge stranke u BiH da podrže rješenja koja su dogovorili i da

se ona što prije nađu u parlamentarnoj proceduri kako bi deblokirali pitanja vezana za evropske integracije i napravili napredak na putu BiH u Evropu. Lider SDA Sulejman Tihić je na pres-konferenciji nakon zajedničkog sastanka u Banjoj Luci izrazio uvjerenje da je postignut još jedan napredak u pravcu pojačavanja dogovora iz Pruda, te definiranja odgovora na neka pitanja koja su se u međuvremenu pojavila kao sporna. Zaključena je rasprava i posao, kako je naglasio, kada je u pitanju državna imovina, popis stanovništva, povratak, te pravni status Distrikta Brčko, što je precizirano u zajedničkoj izjavi. Dalji posao, naveo je, treba da urade nadležne institucije, komisije, Vijeće ministara, parlament BiH i druge, a važno je da svi preuzmu odgovornost za to. - Nas trojica smo odlučili da budemo preta osoba koje imaju hrabrosti da preuzmu odgovornost za rješavanje ovih važnih pitanja bez obzira na sve rizike što to može da znači i nerazumijevanje kojima smo bili nekada izloženi, rekao je lider SDA i dodao da je lako rušiti dogovor, ali se treba razgovarati na bazi konsenzusa. Uz poziv drugim strankama i nezavisnim poslanicima da podrže dogovoreno, Tihić je kazao da BiH može opstati samo kao državna ravnopravnih naroda i građana za što je potreban kompromis domaćih političkih snaga. Tihić ističe da predstoji rad na ustavnoj reformi za što treba više političke podrške drugih stranaka koje je pozvao da se uključe u razgovore. Lider HDZ-a Dragan Čović kazao je da je dogovoreno dosta pitanja koja opterećuju bh. javnost, te pozvao i druge, čiji su do sada sa nevjericom gledali na njihove dogovore, da ih prihvate jer oni, kazao je, nemaju alternative. Pozvao je, također, i predstavnike međunarodne zajednice u BiH da konačno onome što je dogovoreno oko imovine, popisa stanovništva, Brčkog i fiskalne politike, daju podršku kako bi se ta pitanja našla u parlamentarnoj proceduri. - Puno je onih koji su u posljednje vrijeme osporavili ono što smo mi potpisali prije dva mjeseca, a mislim da bi trebali biti ohrabreni time da se mi domaći političari mogu dogovoriti oko ključnih stvari, kazao je Čović. Ponovio je zajednički stav kojim smatraju da su današnjim sastankom svi elementi Prudskog dogovora pooptuno završeni i sada ih predaju zakonodavnoj vlasti BiH, a nastavljaju razgovarati isključivo oko ustavnih promjena u BiH. Lider SNSD-a Milorad Dodik kazao je na pres-konferenciji da današnji dogovor u Banjoj Luci dolazi u veoma bitno vrijeme za BiH, imajući u vidu sve ono što nas čeka vezano za evropske integracije, te činjenicu da je visoki predstavnik Miroslav Lajčak prihvatio novu dužnost. Dodik smatra da je nakon današnjeg sastanka i operativno riješeno pitanje državne imovine, Brčko Distrikta i popisa stanovništva, te je stavljena tačka na te oblasti što se tiče daljnjih njihovih razgovora. - Kada je u pitanju državna imovina smatramo da smo definitivno uspostavili konsenzus koji je neprikosnoven s stanovništa onoga što treba da uradi nadležna komisija za izradu zakona, rekao je Dodik. Pitanje Ustava BiH, kako je dodao, istovremeno je započeto novom zajedničkom izjavom koja sadrži osnovne principe, a nastavljaju dalje da rade 23. februara u Mostaru kada će domaćin sastanka biti lider HDZ-a Dragan Čović. Dodik je izrazio zadovoljstvo današnjim sastankom kojim je, kazao je, potvrđena njihova opredijeljenost za Prudski sporazum. Lider SDA Sulejman Tihić komentirao je i pitanje oko promjene Ustava BiH, ističući da će više riječi biti na narednom sastanku, jer sada su dogovorena načela. OHR bez komentara o zajedničkoj izjavi lidera SNSD-a, SDA i HDZ-a BiH Kancelarija visokog predstavnika još ne može da komentariše zajedničku izjavu koju su danas potpisali lideri SNSD-a Milorad Dodik, SDA Sulejman Tihić i HDZ-a BiH Dragan Čović, jer u nju još nije imala uvid, rekao je Srni portparol OHR-a Oleg Milićević.

- Ne možemo komentarisati, jer se nismo upoznali sa sadržajem danas potpisane izjave. Kada proučimo tu izjavu OHR će sopstičiti više detalja, rekao je Milićević.

On nije mogao da precizira kada će OHR dobiti izjavu lidera SNSD-a, SDA i HDZ-a BiH.